

A wordo inverti 750 mil den proyecto di mantencion di MAA

Museo Arkeologico Aruba lo implementa plan di mantencion regular



ORANJESTAD – Actualmente Museo Arkeologico Arubano (MAA) ta pasando den un proceso di mantencion masha importante pa mantene e splendor y bunitesa di e edificio monumental unda e museo ta funciona. Aunke e trabou aki ta tumando luga keto bay, e museo ta sigui habri ofreciendo e bishitantenan e posibilidad di por disfruta y siña di e muestranan y rikesanan arkeologico cu nan ta exhibi.

Ayera Bon Dia Aruba a papia cu directora di MAA, Arminda Frankel-Ruiz kende a informa cu nan a cuminsa aña pasa cu un mantencion grandi di su compleho monumental na Schelpstraat 42, despues cu nan a muda shete aña pasa (2007) na su localidad nobo, aunke oficialmente e museo a habri na 2009. Mester resalta cu un gran parti di e compleho aki ta monumental, un joya di edificio construi na final di siglo 19 y inicio di siglo 20. E hecho aki ta haci cu e edificio aki despues di shete aña ta rekeri un mantencion grandi y cuidadoso.

Inversion y mantencion
Sra. Frankel-Ruiz a bisa cu museo ta hopi contento di por a ricibi un suma substancial di 750 mil florin di parti di gobierno especificamente for

di e presupuesto di tres ministerio pa realiza e mantencion aki. E mantencion aki ta inclui tanto e parti monumental como e infraestructura nobo, aunke tur e compleho ta un monumento protegi. Naturalmente e parti monumental ta rekeri mas cuidado y experticio.

E trabou di mantencion aki



ta inclui drechamento di infraestructura y verfinimento. Ainda ta pendiente e parti di parkeerplaats na banda di e museo, ya cu no solamente e ta un inversion pa e museo pero pa e barrio. Ainda ta falta un edificio historico pa verf cu ta esun unda nos he-



roe di II Guerra Mundial, esta Boy Ecury a nace, pero esaki lo cuminsa aki dos siman, y esaki ta e ultimo parti di e trabou aki. Museo a pospone pa un luna largo e trabou di verf ya cu nan tabatin programa di vakantie y tabata dificil pa realisa un trabou delicado asina cu 500 mucha coriendo rond.

E trabou di mantencion aki no a wordo haci un 100% considerando cu e ta un compleho grandi y cu un balor monumental grandi, pero sigur un 80 pa 85% di e mantencion cu nan tabata kier a wordo haci. A falta algun cosnan importante pa cual museo ta pensando con pa fi-

wordo ehecuta dor di varios contratista entre nan ASA, y nan tur ta cay bou Albo cu a gana e bid pa realiza e trabou grandi aki. E trabou ta wordo supervisa pa e compania Arco Tec cu a traha un plan di mantencion pa e museo aki.

Plan di mantencion

Directora di MAA ta destaca cu actualmente despues di e trabou grandi aki, museo tin un plan di mantencion regular practicamente cada luna lo tin algo pa drecha of haci pa evita cu na final di 5 of 6 aña despues tin cu paga un suma substancial. Ademas pa mantene constante e bon condicion y beyesa di e museo y edificio monumental aki.

“Si bo haci cada luna of cada dos luna, cada seis luna of cada aña cierto trabounan e suma di mantencion ta baha considerablemente”, el a bisa. E ta kere cu por ta nan no ta haci esey di un forma perfecto pero nan ta spera cu nan lo por ehecuta e plan di mantencion den gran parti pa baha e costo pa e concepto aki cu ta e gasto mas grandi cu nan tin.

El a bisa cu e mantencion di un museo di e caracteristica aki ta hopi costoso. Ya cu ta hopi importante cu si museo keda mustra e producto manera e ta, e ta rekeri un mantencion y logicamente un inversion. E ta considera importante cu un museo como MAA por genera su propio fondo, y nan ta papiando tocante e topico aki tambe, y planeando esey tambe.

Como museo nan tin un funcion pa nan contenido ta educativo, y esaki ta un factor hopi importante riba e tereno educativo; pero tambe un motivacion pa un instancia ya sea priva of oficial por inverti den un negoshi. Riba e aspecto aki nan ta hayando hopi pregunta di instancianan priva of negoshi cu ta puntra nan experiencia. Naturalmente nan ta curasha pa nan inverti den un museo of luga historico pero semper nan ta adverti nan pa tene cuenta cu e parti di mantencion. Di otro banda e reaccion cu nan ta haya di e publico ta uno inmenso y positivo riba e condicion y bon cuida di e museo aki. □



nancia, y otronan cu a wordo poni den un fase proximo. Pero nan ta hopi contento cu e trabou cu ta wordo haci ya cu e ta bay dura algun añanan mas, pesar di e excepcion di algun par di cosnan cu ainda ta pendiente.

E trabou profesional aki ta